



DEO OPTIMO MAX.
UNI ET TRINO,

VIRGINI DEIPARÆ, ET S. LUCE,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,
*manè discutienda, in Scholis Medicorum, die Martis sextâ
mensis Aprilis, anno Domini M. DCC. XLV.*

M. MICHAËLE-LUDOVICO VERNAGE,
Regis Confiliario, & in Senatu Parisiensi Medico
ordinario, Doctore Medico, Præside.

An varius Causariis, pro diversâ tempestate, victus præscribendus?

I.



RÆSTANTIOR sanitatis tuendæ lex est non satiari cibis;
sed esse impigrum ad laborem; victus enim ubi plenior, ibi
nutritio parciore; nam quæ ingeruntur perennes corporis efflu-
xus non refarciunt, sed quæ digeruntur: ut pathemata animos
acuunt & erigunt, *anxia* hebetat; sic labor corpus firmat,
ignavia mollit, hæc maturam senectutem accersit, ille longam
reddit juventutem: sobrietas enim & exercitatio fidissimi sanitatis custodes
superflua circumcidendo, novas Corpori vires addunt, si mutuam sibi ferant

2

opem & amicè conjurent, stabilem servant machinæ habitum, externisque nimis injuriis obnoxium; non intemperantiæ vitiis gravis, animum unâ prægravat, sed grata viget cum functionum integritate mentis alacritas: revivitur si quidem fit spirituum in partes influxus, sanguinis expeditior circuitus, excernendorum minor congeries, faciliior secretio, uberior insensibilis halitus, major denique solidarum partium tonus & elater, Jugi & æquabili arietantis in partem liquidi, resiliantis fibræ motu, alternis vicibus deteritur & restituitur Corpus; modus illius & finis est adjectio deficientium, & detractio exuperantium; hos si limites transiliat natura, vel superfluis oppressa corrui, vel necessariis defecta contabescit; utrumque pariter metuendum discrimen vitabit sedulus observator ætatis, temperiei, præsertim anni tempestatum, quarum vicissitudo, permutatio, diversæ corpus afficiunt, & naturæ vim augent, aut minuunt; horum ancipites effectus singulari victûs normâ cuilibet idiosyncrasia propriâ, aut sævientis anni temporis intemperiei debellandæ idoneâ arcebit.

I I.

UT nullus sine vitiis, sic nemo sine morbis nascitur; Beatus ille qui minimis urgetur: sæpè vultus lineamenta & mores, sæpius temperamentum & morbi à parentibus in sobolem traducuntur; arthritici arthriticis, tabidi tabidis, Causarii Causariis, fortes creantur fortibus; horum affectuum germina aded penitus sunt sanguinis principis insita, ut hæc emendare tantum, non delere valeat ars; naturam enim expellas frustrâ, tamen usque recurret. Qui ex meliore luto formatus solidis in debitâ compage, fluidis in decenti copiâ, crassi, & motu convenientibus constat; cui latum pectus, firma latera, stomachus sine dolore & labore concoquens, validum corpus promittunt: qui vesano non uritur amore, nec inanes & operosos honores ambit, non avidè quærit opes, & inventis miser abstinet, nec invidus alterius opimis rebus marcescit, sed æquum rebus in arduis, non secus in bonis, ab insolenti temperatum lætitiâ animum servans, eâ quam ratio ipsi dederit vel fors objecerit sorte contentus vivit: qui denique sui compos & salutaribus Philosophiæ præceptis imbutus, sanam mentem in sano corpore tuetur; hic nullis debet obligari legibus, sed varium pro arbitrio vitæ genus tam impunè quàm audacter sequi; at Causarius vel ingentâ hæreditario jure, vel endemiâ regioni quam incolit, ut Hispanis strumæ, scorbutus Batavis, plica Polonis, vel adscititiâ, ab ex lege vivendi ritu, aut acrioribus curis, infirmitate laborans, cujus pectus frequens tussis lancinat, vel asthma opprimit, quem renum arenulæ vel calculus angunt, aut cruciat arthritis sæva Bacchi & Veneris filia, magnatibus & opulentis maxime familiaris, mancipiis & sequiori sexui nlsi menibus defraudato, aut virili licentiâ effrenè viventi ferè ignota, rusticis omnia tenui simplici que victu & improbo labore vincentibus aut fugantibus incommoda insolens; hic salutaribus Medicinæ legibus subscribere cogitur; iniquis enim conditionibus lucem accipit, qui Causarium & à recto sanitatis tenore delirans corpus à naturâ sortitus est: faciliè rerum externarum occurssu percellitur; hunc sæpè dolor quasi prænuntians tempora, & Cæli conversiones fragilem & tenerum ferit, quibus beue natus minime tangitur; ob levissimum errorem plectitur; continuo ipsi

cum domestico hoste, quem venis alit, ³ luctandum, cujus sæpè nocituras vires solo tempestivo rerum non naturalium usu, & cautâ pro diversis anni tempestatibus victûs mutatione retundet,

I I I.

ANNI lapsum fermè imitatur hominis natura. Quas hæc ætatum decursu subit alterationes, easdem ille pro vicissitudine temporum adumbrat singulis annis renovandas: Certum quoddam percurrendo spatium sol tempestatem definit, quò insignem in aëra inducit mutationem, cujus in partem facilè sanguis adducitur; mortalibus enim vitæ & morborum author est aër; si purus, aut plus minusve inimicis inquinatus miasmatis sese in corpus inferat: hujus superficiem undique circumfusus pondere premit, elatere diverberat, diversisque modis mutat, laxat, emollit, densat, constringit: si per pulmones inspiratus sanguinem non permeet, cum cibis confusaneus ipsi permiscetur & in penitiorem partium compagem delabitur: si Cælum sit siccum & æstuet, sanguis rarefcit aucto motu intestino, liquatur, per laxata undique partium spiracula dissluit, maximumque dum patitur utilis substantiæ cum sero secedentis detrimentum, acrimoniam contrahit & mordacitatem; idcirco Æstate spontaneam senties lassitudinem, acrem expirationem, corporis moles liquefcit, ejusque pondus & virtus imminuuntur; quod ne præceps ruat, moram affert victus ratio, qui contrariâ, interiorem tumultum indole compefcit: densior ex aëris frigidityte fit corporis habitus, meatus constringuntur, cæcæque exhalationes coercentur, sanguinis moles accrescit, lentus & viscidus ob extranearum particularum scaturiem evadit, secretiones turbantur: Ex Autumno inæqualitate videas quot diversis modis corpus percellatur; Hyeme, frequenti corpora plenitudine turgescunt, quæ Veris adventu molestiam facessere consuevit: Cæterum si fueris intemperatus, intemperiem tibi insitæ similem iniquiùs feres, quàm quilibet rectè temperatus quamlibet aëris intemperiem: Hinc naturas inter & ætates aliis benè vel malè est pro variis anni temporibus.

I V.

PERFECTA est partium solidarum diathesis, ubi conformatione, situ, nexu, ordine, magnitudine, numero, apte conveniunt; sic affabrè constitutum pro sui indole incolumem servat aut labefactat liquidum quod corpus jugiter alluit; diversa etenim est, & varias vices patitur sanguinis natura; hujus motus, nifus, concretio, solutio, secretio multiplex: discrepantibus fluida moles conflata partibus, varias facillimè subit alterationes: hujus si principia copiâ & facultate contemperentur, sanitas viget, si dissideant, plurima circumveniunt incommoda; quantum ad has vicissitudines promovendas valeant quæ sese alternatim excipiunt tempestates, quis non experitur? Vere tumet sanguis, & se suo æstu despumat, inde febrim cohors, hæmorrhagiæ, & varia exanthemata erumpunt: Syrio ardente fervet bilis, acrior regditur, inde causus urit, maligna defævit febris, ultro vomitur bilis, à Catharticis biliosiora purgantur; autumno morborum serace, viget atra seu tenacior bilis, hoc fonte pervicaces melancholici affectus & diuturni morbi

4
derivantur : acri hyeme pituita redundat, quòd intercluso insensibili halitu lymphæ inspissetur ; inde Catharri, Rhumatici dolores, inflammatoriæ febres, pleuritis, peripneumonia, angina, grassantur : quid si ad has mutationes victus error accesserit, exuperans humor peculiare parit morbos, qui eos imprimis invadunt causarios quorum similis temperies ipsius impetui retundendo impar est : immoderationem aëris facilius feret ætas contraria : per ætatem & ineunte autumno senes reviviscunt, per hyemem pessimè se habent, & sæpè ineluctabili necessitate solvuntur, exeunte autumno, valet ætas florida, ardente Julio fervet ; magnæ mutationi adversam in victu opponere mutationem artis apex est ; hanc si sapienter institueris, optimam temperiem diu servabis integram, in vitium flexi pronam intra naturæ modum coarcebis,

V.

SANITAS ut à morbo maxime distat, sic curatrici præstat Medicina conservatrix ; huius legum studiosus observator, felix & sanus Nestoreus aget annos ; ab eâ qui defleckerit, delicta senius ocius luet : qui parciore & conquiritis utitur alimentis, corpus modico firmat & puro sanguine ; uberiori contra & lutofo emollit, qui luxuriosius pascitur : ultro tumultuatur & effervescent sanguis pravis inquinatus succis, & externis rebus, aëre potissimum ad exardescendum impellitur ; quis neget multò potentius ab anni temporibus corpora moveri, malignis soli expirationibus, fervidiore æstu, regidior frigore, procellis, imbris inordinatis, Epidæmiæ & contagii plerumque feracibus ; idcirco per anni curriculum acuti defæviunt morbi quorum malitia sagacis Medici eò diligentiores requirunt curam, quòd nisi ad ipsius providentiam summa accesserit celeritas ; eam sæpè sapius præcipiti impetu deludant : ut sanitatem aër, cibis & potus foveat, sic crebrò morbis animum præbent ; usus effectuum disparitatem facit : nec frequenter plectitur qui victum ex variis aëris viribus metitur ; hyeme, minus comedat, at meracius bibat ; vere, potum & cibos adaugeat sensimque à tenuioribus ad densiora progrediatur ; æstate, cum corpus potu & alimentis frequentius egeat, bibat dilutius, sapius, at minus singulis vicibus pascatur ; & quæ nimium caloris æstum compescunt alimenta seligat : autumnus undique periculis scatet adeò varius est, hinc diversum sed cautum pro variâ ipsius intemperie vitæ genus sequi juvat : his præceptis obtemperare valentibus opportunum, sed & causarios eò scrupulosius observare necessum est quòd magis patet offensis ipsorum infirmitas.

Ergò varius Causariis, pro diversa tempestate, victus præscribendus.

Proponebat Parisiis JACOBUS - LAURENTIUS MAUROY,
Parisiensis, in supremo Senatu Parisiensi Patronus, saluberrimæ
Facultatis Parisiensis Baccalaureus Medicus, A. R. S. H. 1745,
à sextâ ad meridiem.